

13 15. jan. Þurfi skoðunarmaður að fara fleiri en tvær ferðir til að skoða sama skip eða hluta þess, skal útgerðarmaður greiða kr. 8.00 fyrir hverja ferð fram yfir tvær, og ferðakostnað, sé um hann að ræða.

Fyrir flokkuð skip er gjaldið helmingi minna en tekið er fram í C-lið, haldi skipið flokki, er skoðun fer fram.

Fyrir fyrstu skoðun á nýsmíðuðu skipi, hvort heldur það er smíðað hér á landi eða erlendis, eða skipi innfluttu frá útlöndum, skal greiða gjald samkvæmt C-lið, að viðbættum 50%, og skiptir þá ekki máli, hvort skipið er í flokki hjá viðurkenndu flokkunarfélagi eða ekki.

Sé skip aðeins skoðað að nokkru leyti, eða einstakir hlutar þess, greiðist gjaldið að tiltölu og ákveður skipaskoðunarstjóri þá gjaldið eftir ástæðum.

Skoðunarmenn skulu fá ferðakostnað sinn endurgreiddan eftir reikningi, er skipaskoðunarstjóri samþykkir. Ríkissjóður greiðir þennan kostnað.

2. gr.

Fyrir skoðun og mælingu á skipi til ákvörðunar á hleðslumerkjum skal greiða skoðunarmanni hálf gjald, eins og það er ákveðið í 58. gr. laga nr. 68/1947, um eftirlit með skipum.

3. gr.

Fyrir eftirlit með smíði tréskipa og óflokkaðra stálskipa skal $\frac{1}{3}$ hluti gjaldsins, eins og það er ákveðið í 55. gr. l. nr. 68/1947, renna í ríkissjóð, en $\frac{2}{3}$ hlutar til þess manns, sem eftirlitið hefur, en taki hann laun úr ríkissjóði, rennur allt gjaldið í ríkissjóð.

4. gr.

Á öll ofangreind gjöld skal greiða verðlagsuppbót.

5. gr.

Með þessum reglum er reglugerð nr. 56 frá 15. apríl 1939, um þóknun til skoðunarmanna, skipa og báta o. fl., numin úr gildi.

Reglur þessar öðlast gildi þegar í stað og birtast til eftirbreytni öllum þeim, sem hlut eiga að máli.

Samgöngumálaráðuneytið, 15. janúar 1948.

Emil Jónsson.

Páll Pálmason.

AUGLÝSING

14 24. jan.

um greiðslu sjúkrasamlagsiðgjalda fyrir elli- og örorkulífeyrisþega o. fl.

Samkvæmt heimild í lögum nr. 126 frá 22. desember 1947 greiðir Tryggingastofnun ríkisins á árinu 1948 sjúkrasamlagsiðgjöld fyrir þá ellilífeyrisþega og örorkulífeyrisþega, sem þess óska og ekki hafa hærrí tekjur en svo, að þeir njóta óskerts lífeyris.

Enn fremur greiðir Tryggingastofnunin sama ár sjúkrasamlagsiðgjöld þeirra annarra gamalmenna og öryrkja, sem uppfylla lífeyrisskilyrði laganna um aldur og örorkustig og njóta eftirlauna eða lífeyris samkvæmt fjárlögum eða úr opinberum sjóðum, ef heildartekjur þeirra, þ. e. lífeyrir, eftirlaun og aðrar tekjur árið 1947 hafa eigi farið fram úr tvöfaldri lífeyrisupphæð.

Iðgjaldagreiðslur þessar af hálfu Tryggingastofnunarinnar eru þó því skilyrði 14 bundnar, að því er varðar þá, sem ekki hafa verið meðlimir sjúkrasamlaga undan- 24. jan. farið, að hlutaðeigandi sjúkrasamlag fallist á, að biðtími þeirra verði eigi lengri en einn mánuður, þannig að þeir fái full samlagsréttindi eigi síðar en 1. febrúar næstkomandi.

Þeir, sem njóta vilja friðinda þeirra, sem að framan getur, snúi sér til hlutaðeigandi sjúkrasamlags.

Tryggingastofnun ríkisins, 24. janúar 1948.

Haraldur Guðmundsson.

AUGLÝSING

um lækun á húsaleigu.

15

10. jan.

Ríkisstjórnin hefur ákveðið að nota heimild þá til niðurfærslu á húsaleigu, sem henni er veitt í 15. gr. laga nr. 128 29. des. 1947, um dýrtiðarráðstafanir.

Samkvæmt því leggur félagsmálaráðuneytið hér með fyrir allar starfandi húsaleigunefndir, að hlutast til um það hver í umdæmi sínu, að færð verði niður um 10% — tíu af hundraði — húsaleiga í þeim húsum, sem reist hafa verið eftir árslok 1941, svo og húsaleiga í eldri húsum, þar sem nýr leigusamningur hefur verið gerður eftir árslok 1941. Niðurfærsluskyldan tekur til allra húsaleigusamninga, sem gerðir hafa verið eftir árslok 1941, hvort sem þeir hafa verið staðfestir af húsaleigunefnd eða eigi.

Ákvæði þessi komi til framkvæmda í fyrsta sinn við greiðslu á húsaleigu fyrir janúarmánuð 1948.

Þá ber og að taka tillit til niðurfærslu þessarar við húsaleigu, sem hér eftir verður metin af húsaleigunefndum.

Húsaleigunefndum er falið, að sjá um framkvæmd ákvæða þessara hver í sínu umdæmi á þann hátt, er þær telja best við eiga.

Félagsmálaráðuneytið, 10. janúar 1948.

Stefán Jóh. Stefánsson.

Jónas Guðmundsson.

Staðfesting forsetans á skipulagsskrá fyrir „Minningarsjóð Jóns Þorlákssonar verkfræðings“, útgefin á venjulegan hátt að mandatum af dómsmálaráðherra 23. janúar 1948.

Skipulagsskráin er þannig:

SKIPULAGSSKRÁ

fyrir minningarsjóð Jóns Þorlákssonar verkfræðings.

16

23. jan.

1. gr.

Sjóðurinn er stofnaður af frú Ingibjörgu Cl. Þorláksson, haustið 1944, á 40 ára afmæli Iðnskólans í Reykjavík, til minningar um starf Jóns sál. Þorlákssonar við skólann, en hann var aðalstofnandi hans og fyrsti skólastjóri.